

Na osnovu Zakona o visokom obrazovanju Tuzlanskog kantona („Službene novine Tuzlanskog kantona“, broj: 7/16, 10/16, 5/17, 15/17, 15/19, 09/20, 17/21, 21/21, 22/21, 5/22, 11/22 i 16/22), Pravilnika o postupku licenciranja studijskih programa prvog i drugog ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 7/14) i Statuta Visoke škole za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla, donio je:

## **PROCEDURE POKRETANJA NOVIH I IZMJENA POSTOJEĆIH STUDIJSKIH PROGRAMA**

**(Prečišćeni tekst)**

### **I OPŠTE ODREDBE**

#### **Član 1.**

Ovim Procedurama se propisuje postupak predlaganja, ocjene, pokretanja novih i izmjena i dopuna postojećih studijskih programa i na Visokoj školi za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla (u daljem tekstu: Visoka škola)

#### **Član 2.**

Procedurama se definiše redosljed aktivnosti, način i udogovornost za pokretanje novih i izmjenu postojećih studijskih programa na Visokoj školi s ciljem ostvarivanja potrebnog kvaliteta procesa visokog obrazovanja, odnosno definisanih ishoda učenja, znanja i kompetencija određenog profila stručnjaka koji se obrazuju na predloženom studijskom programu.

### **II POSTUPAK POKRETANJA NOVOG STUDIJSKOG STUDIJSKOG PROGRAMA**

#### **Član 3.**

Postupak pokretanja novog studijskog programa započinje inicijativom za uvođenje novog studijskog programa. Inicijativu mogu pokrenuti Upravni odbor ili osnivači Visoke škole, nastavno osoblje, i predstavnici privrede i prakse sa kojima Visoka škola ima potpisane sporazume o saradnji ili usko saraduje.

#### **Član 4.**

Inicijativa za pokretanje novog studijskog programa se dostavlja u slobodnoj pisanoj formi Senatu Visoke škole i treba da sadrži:

- Razloge pokretanja i ciljeve studijskog programa
- Procjenu potreba tržišta rada za stručnim profilom koji se obrazuje na studijskom programu
- Usklađenosti s misijom Visoke škole

#### **Član 5.**

Nako zaprimanja inicijative za pokretanje novog studijskog programa, potrebno je da Senat Visoke škole organizuje raspravu, u koju trebaju biti uključeni predstavnici studenata, alumni, privrede i prakse i drugih organizacija u zavisnosti od sadržaja studijskog programa.

## **Član 6**

Shodno podnesenoj inicijativi i provedenoj raspravi Senat Visoke škole donosi odgovarajući zaključak. Ovim zaključkom inicijativa može biti odbačena ili prihvaćena.

U slučaju prihvatanja inicijative Senat Visoke škole imenuje radnu grupu za izradu Elaborata o opravdanosti izvođenja studijskog programa (u daljem tekstu: Elaborat).

Radna grupa se sastoji od 3 do 5 članova. Članovi se imenuju uglavnom iz reda nastavnog osoblja, a najmanje jedan član mora biti ujedno i član Odbora za osigiranje kvaliteta i on ne mora biti iz reda nastavnog osoblja.

Radna grupa je obavezna izraditi Elaborat u roku od 6 mjeseci od dana imenovanja.

## **Član 7.**

Elaborat treba da sadrži sve elemente propisane Zakonom o visokom obrazovanju TK i Pravilnikom o postupku licenciranja studijskih programa.

## **Član 8.**

Odluku o usvajanju Elaborata donosi Senat Visoke škole.

## **III POSTUPAK IZMJENE I DOPUNE (USKLAĐIVANJA) POSTOJEĆIH STUDIJSKIH PROGRAMA**

### **Član 9.**

Pod usklađivanjem studijskog programa smatra se provođenje manjih izmjena i dopuna studijskog programa koje znače izmjene plana izvođenja studijskog programa te sadržajne izmjene programa do 20 % koje ne mijenjaju bitno studijski program, završne kompetencije studenata i njihove kvalifikacije (stručni profil). To podrazumijeva:

- Ažuriranje studijske literature (prijedlog promjena mora se odnositi na sljedeću akademsku godinu)
- Preraspodjelu ECTS kredita (opterećenje studenata različitim vrstama obaveza) unutar ukupnog broja u nekom predmetu
- Preraspodjelu broja nastavnih sati za različite oblike nastave unutar broja predviđenog za predmet
- Redovno osavremenjivanje predmeta koje se odnosi na poboljšanje nastavnih metoda, praćenje literature i uspjeha studenta, te usklađivanje sadržaja sa savremenim saznanjima

Manja izmjena i dopuna studijskih programa koje predstavljaju usklađivanje i osavremenjivanje studijskih programa sa organizacijom rada i dostignućima nauke ne smatra se novim studijskim programima.

### **Član 10.**

U skladu sa zakonskom i statutarnom obavezom Senat Visoke škole kontinuirano prati primjenu nastavnih planova i nastavnih programa, te provodi evaluaciju i ocjenu kvalitete studijskih programa u skladu sa unutrašnjim sistemom osiguranja i unaprjeđenja kvaliteta obrazovanja na Visokoj školi.

Odluku o pokretanju procedure manjih izmjena i dopuna (usklađivanja) postojećih studijskih programa donosi Senat Visoke škole. Ova Odluka obavezno sadrži:

- Obrazloženje razloga za pokretanje procedure manjih izmjena i dopuna (usklađivanje) postojećih studijskih programa
- Nosiocje aktivnosti

- Rok dovršetka aktivnosti

Odluku o usvajanju manjih izmjena i dopuna (usklađivanju) postojećih studijskih programa donosi Senat Visoke škole.

#### **Član 11.**

Veće izmjene studijskih programa koje znače sadržajne promjene preko 20% i koje mijenjaju bitno studijski program, smatraju se zahtjevom za pokretanje novog studijskog programa. U ovom slučaju izmjene studijskih programa se donose po istom postupku kao i pokretanje novih studijskih programa u skladu sa ovim Procedurama i Zakonom o visokom obrazovanju TK.

### **IV STUDIJSKI PROGRAMI**

#### **Član 12.**

Izmjene i dopune postojećih studijskih programa i Elaborat kod pokretanja novog studijskog programa pored elemenata propisanih zakonom o visokom obrazovanju Tuzlanskog kantona obavezno trebaju sadržavati:

- Ishode učenja na nivou studijskog programa definisane u skladu sa zahtjevima tržišta rada i strukovnih udruženja, nastavkom školovanja te općim društvenim potrebama i standardima kvalifikacijskog okvira
- Ishode učenja na nivou svakog nastavnog predmeta
- Logičku matricu usklađenosti ishoda učenja pojedinih nastavnih predmeta sa ishodima učenja studijskih programa.

### **V ZAVRŠNE ODREDBE**

#### **Član 13.**

Ovaj Pravilnik stupa na snagu sa danom donošenja.

Tuzla, 11.08.2023. godine

Predsjednik Senata

---

Dr.sc Damir Bećirović